

## I S A G O G E S

draturæ, non solum horis, sed & minutis eorum adnotantur in columnula Solis, ita  
quæ etiam à sinistris est numerus dierum mensis cuiuscum, ut aspectus universi  
temporibus certis possint assignari. Sequuntur aspectus Solis, & planetarum inter  
se sparsim, ut ratio motuum exigit, inserti. Neque deest Lunæ cum capite, caudâq[ue]  
draconis sui congressio. Postremo peculiare quoddam planetis à Sole accidens in-  
dicatur: quando uidelicet orientales, occidentalesque sint: huiuscmodi accidentia  
duplices insinuant syllabæ Or. & Occ. in capitibus quinq[ue] columnarum positæ.  
Et hactenus quidem de serie ac dispositione ephemeridum.

### Aureum numerum, literam dominicalem, Indictionem & festa mobilia inquirere. Canon II.



Harta prima cuiuslibet ephemeridis, hæc iam proposita continet. Nam  
ibidem in dextra pagina, reperies numerum diei mensis illius mox  
ibidem expressi, quibus celebrari festa hæc mobilia conuenit, & nisi  
omnino habebitis fueris ingenij, à teipso capies. Sic pari ordine Aureus  
numerus, Litera dominicalis, Cyclus solaris, Indictiones in prom-  
ptu erunt.

### Characteres planetarum, signorum atque aspe- ctuum declarare. Canon III.



Eteres illi cœlestium rerum sapientes, ob frequentem usum nominum  
XII. signorum Zodiaci, VII. planetarum, nec non III. aspectuum ca-  
pitum, caudæq[ue] draconis Lunæ, & coniunctionis, certos sibi charac-  
teres excogitarunt, quibus ea nomina, studio lectori, citra tedium insi-  
nuarent. Nam arietem uolentes significare, cornua duntaxat Arietis  
hunc in modum & exprimere consueuerunt. Deinde pro Tauro caput Tauri cor-  
natum sic & posuerunt. Pro Geminis autem duas columnas connexas sic  
ꝝ. Pro Cancro, cancri cornua duo sic ☽. Pro Leone caudam eiusdem Leonis, sic ο. Pro  
Virgine, plicas uestimenti puellaris, uel ut alij existimarunt, fimbriam eiusdem  
uestimenti, sic μ. Pro Libra, partem librae superiorē Δ. pro Scorpione, caudā nodo-  
sam scorpionis sic μ. Pro Sagittario sagittam Σ. Pro Capricorno, caudā capricorni  
cœlestis imaginis Υ. Pro Aquario, duos riulos, sic Ω. Pro Piscibus duos pisces sic  
Ϟ, quia uero in cœlesti imagine pisces quasi filo quodam in medio coniunguntur,  
aliqui sic Ξ expreſſerunt. Porro caput & caudam draconis Lunæ exprimere uolen-  
tes, semicirculos duos scripserunt, utrinq[ue] nodis suis finitos, ut significet Ω caput,  
aut Ω caudam draconis.

Deinde pro Saturno, senem pingebant baculo innixum, ad hunc modum  
†. Pro Ioue, hominem regem, sceptrigerum, sic Φ. Pro Marte, telum bellicum, sic Ζ  
Pro Sole, formam Solis rotundam, sic ⊙. Pro Luna, Lunæ cornua, sic ♪. Pro Venere,  
imaginem puellæ, sic ♀. Pro Mercurio, iuuenem gestantem petasos in galero, sic ♀.

Aspectus autem cum sit distantia secundum partes aliquotas Zodiaci, quem  
admodum & eorum demonstrat denominatio, alio fundamento characteres suos  
recipit, à denominatione scilicet, hunc in modū. Nam in duodecim signis Zodiaci  
sunt quatuor numeri partes aliquotæ idem reddentes multoties acceptæ. Habent  
enim XII. signa primo partem sextam, duo scilicet signa, quæ aspectum sextilem  
reddunt, & ideo sextilis dicitur, quia sextam tenet circuli partem, quem sex lineis  
ab uno centro exeuntibus notauerunt, hoc modo \*, quæ in circulo dispositæ, eum  
in sex æquas secant portiones.

Habent